

Den caso di asesinato ayera mainta

Richard a admiti cu el a puñala Guerero

E arma asesino no ser haya

ORANJESTAD(AAN) -- Ayera den horanan di mainta, miembronan di Recherche a haya nan mes confronta cu un caso di asesinato.

Tabata ayera mas o menos 8.27 or di mainta ora cu e noticia a drenta na warda di Polis cu na Sabastraat na altura di percela 31. tabata tin un homber drumi y posiblemente el a ser puñala.

E patrulla di Polis cu a acudi na e sitio, a constata cu en berdad tabata tin un homber tur na sanger drumi pero e no tabata duna señal di bida.

Inmediatamente alarma a worde bati, y cu ambulance e victima a ser transporta pa centro medico San Nicolas caminda Dr. Zaandam a constata morto.

Recherche, Fiscal mr. Lie-A-Kwie y funcionario halto di Polis a acudi na e sitio di e incidente.

E victima tabata Spencer Teofilo Querero, naci na Aruba dia 11 di Juni 1965 biba na Louis de Colignestraat 10.

Por a constata cu e victima tabata tin herida(nan) di hincadura. E restonan mortal a ser

confisca pa asina un autopsia ser haci.

Despues di un investigacion relampago, miembronan di Recherche a detene un sospechoso.

Tabata 10.40 or di mainta ora cu nan a detene Richard A.R.(21), kende durante interrogacion a admiti di a propina su victima

diferente hinca.

E incidente aki segun informacion, mester a tuma lugar mas o menos 8'or di mainta. Notable ta cu te ainda miembronan di Recherche no a haya e arma asesino esta e cuchio cu cual Richard a asesina Querero. Na familiaran di e fayecido, DIARIO ta extende palabranan di condolencia.

Nan tabata importa y exporta cocaina pa Hulanda

16 aña di prison exige pa duo Narcotraficante

ORANJESTAD(AAN) -- Diabierna Fiscal mr. Werleman a exige castigo pisa pa e hombernan Leopold Inocencio Bouwman y Michel Milton Paesch.

L.I.B. y M.P. ta worde acusa di diferente biaha na '86-'87-'88 hunto cu otronan a importa, exportar, bende y entrega cocaina.

Juez mr. Mohamed a mostra cu e caso a cuminsa lora ora cu na Hulanda dia 13 di Maart 1988 a detene e muher R.

E tabata tin diferente caha di zapato conteniendo cocaina. En total tabata trata aki di 3810 gram.

Durante interrogacion na Hulanda, R. a declara cu e droga

ta procedente di Aruba. Investigacion a mostra cu R. a bin Aruba cu un suma considerable pa paga e carga anterior cu a worde manda Hulanda.

E placa a ser entrega na J.L.C., kende tambe a ser deteni. J.L.C. durante interrogacion a duna un declaracion amplio cu L.B. tabata e cerebro tras di e trafico.

Juez a menciona un cantidad di nomber di personanan, cu di un of otro forma a yuda den e trafico. Sea nan a yuda empaceta e droga of nan a bay busca e droga ariba lamar of na tera of a hiba e droga Hulanda.

Durante tratamiento di e caso Juez a menciona cu e testigo

S.W. a bisa cu el a bay na cas di M.P. na San Minguel y a mira un persona tabata yena saconan di cocaina pa bende. Tin diferente otro cu a bisa cu M.P. y L.B.

tabata esnan tras di e exportacion di cocaina pa Hulanda.

Notable tabata cu por a mira L.B. tabata skirbi nombrenan cu tabata worde menciona ariba su

man.

Fiscal mr. Werleman a baha pisa ariba e duo aki y a exige 10 aña di prison pa Bouwman y 6 aña pa Paesch.

Buki encuanto Aruba entrega na Gobernador



E decision ta definitivamente

Air Aruba ta cuminsa bula pa Brazil

ORANJESTAD(AAN) -- Marketing manager di Air Aruba, Mario Vieira, a duna di conoce na DIARIO cu nan kier yuda contribui na e progreso di Aruba.

Despues cu negociacionnan a tuma lugar, a keda definitivamente dicide cu Air Aruba lo bula tur Diarazon pa San Paulo, Brasil.

Lo bay haci uso di e avion nobo nobo Boeing 757 cu tin un capacidad di 213 asiento. Segun Vieira, dia 10 di April 1990 e avion lo yega Aruba.

El a splica cu den horanan di madurga e avion lo sali for di Aruba y lo yega den horanan di mainta Brasil.

Pa mas o menos 11'or di mainta lo sali for San Paulo y lo yega

Aruba mas o menos 3.30 or di atardi.

144 flanel horta for compania di print

ORANJESTAD(AAN) -- Recherche den horanan a ricibi denuncia di robo for Precision Printing. En total 144 flanel a ser horta.

Ladronnan a bishita un camber di The Mill Resort. Aki ladronnan a bay cu un micro oven marca Hotpoint, 1 blender marca Black and Decker, 2 television di color marca Zenith y un hero di strika marca Black and Decker.

ORANJESTAD(AAN)- Gobernador di Aruba, sr. Felipe Tromp a ricibi e promer ejemplar di e buki "Ken ta Arubiano" Sociale

integratie en nationbuilding op Aruba 1930-1985.

E buki a worde skirbi pa drs. L.

Alofs y sra. drs. L. Merckies. E buki a worde publica como "Antillean working paper" na e In-

stituto di Reno pa taal, land en volkenkunde na Leiden. E buki ta describi e desaroyonan economico, politico y social di

Aruba durante e periodo di 1930 pa 1985.

E autornan a entrega e promer ehemplar na Gobernador Tromp y despues a haci entrega di un copia na Suzan de Lange di Biblioteca Nacional, seccion Arubiano/Caribense.